

Oz e igl Gi mundial digl cudesch



AVREGL

Igl Gi mundial digl cudesch

«Igl eara egn'eada egnà classa cun 20 unfànts. Igl 23 d'avregl e sto par els egn gi tut spezial. Els ân durmieu tocen da miezgi a per la sera ân els pacato igl satg da scola cun aint egnà marena pintga, egn satg da durmir, egnà cazola da satg ad egn cudesch. Cun quella tgargia en els ieus an biblioteca. Là ân els ligieu l'antiera notg – a quels ca savevan ânc betga liger sez, ân tarlo co tschels ân preligieu, tocen c'els en sadurmantos. Forza ân els sasamgnieu da las istorgias c'els ân ligieu ad udieu.» Durmir an biblioteca near an scola a tarlar a liger l'antiera notg – quegl fan ign propi qua a là agl Gi mundial digl cudesch.

Invanto igl Gi mundial digl cudesch â igl on 1995 l'UNESCO – l'organisaziùn ca vut cunzund ca tut igls carstgàns setgian ir a scola ad amprennder. Cudeschs gidan d'amprennder lungatgs ad els raquentan ear istorgias dad oters liacs. Daple c'ign sa ad amprennda dad oters a ple poca daspeta a gueara c'igl dat. Parquegl â l'UNESCO declaro igls 23 d'avregl sco Gi mundial digl cudesch. Partge gest igls 23 d'avregl? Quegl â da far cun egnà tradiziùn da la Catalugna, noua c'ign festivescha igls 23 d'avregl igl gi digl num digl sontg Gieri. Que gi tschincegia la glied l'egna a l'otra rosas a cudeschs.

Âs tei egn cudesch preferieu?

Va puspe egn'eada an biblioteca.

Barata egn cudesch cun egn'amatga.

Partge ligia la glied cudeschs?


Tge cudeschs (rumàntschs) âs tei?

Tge cudesch tschincagessas tei ad egn'amatga near ad egn amatg?

Vardas tei bugent cudeschs da maletgs?

Brutus sco marcavart

- 1 Calurescha la figura.
- 2 Taglia or la furma a la fòlda par lùng da la lingia cun lingetas.
- 3 Tatga anzemel igl marcavart.




colours

cola

forbesch

Lupo sco marcavart

- 1 Calurescha la figura.
- 2 Taglia or la furma a la fòlda par lùng da la lingia cun lingetas.
- 3 Tatga anzemel igl marcavart.



calurs

cola

forbesch